

**TAKĒLAYA KANCAALAYA NYĒŊKA
ŊKA
YOHAAANI
NMAAWA TŌ
Kutɔlɔtɔ**

Seɣesəŋ krai nyəŋ paɣale ka we saa wei Yohaani
ŋmaakaya ɪ takəlaya təɣə. Seɣesəŋ krai nyəŋ inɪ ɪ taa
leŋku nté sɪ mpi pə naaki isentəɔ tə pə ke isayam ké.
Mpi pu naaki təɣəle kɔpam. Pə təɔ ké pa seɣesaya sɪ
pə ta mɔna Yesu í weɛna yulɔ weetu, mpi tə ɪ ké Isə
ké. Ama Yohaani na hulaa təfoo sɪ Yesu ké Isə, pəcə ɪ
ké yulɔ, pəyele ɪ ké Feesuyu.

Isəna pə faya Yohaani I takəlaya tə:

Kutɔlɔtɔ, titite 1:1-4

Tə weɛ nyaaləm taa isu Isə, titite 1:5-2:17

Kilisiti kolontu təm, titite 2:18-29

Mpi pa nyəŋna sɪ yulɔ ké Isə pəɣaya tə, titite 3

Tampana na pəpətu pə fayav, titite 4:1-6

Isə ké sɔɔlɔyɔ, titite 4:7-21

Taa tɛm mpi pə kəlaa tə, titite 5

Weesuyu təm

¹ Weesuyu Təm ke tə ŋmaa-mɛɣe takəlaya taa cəne.
Təm ntɪ tu we kancaalaya ké, na tə nu-tɪ, na tə na-tɪ
na ta isəpee, na tə nyəni-təɣɪ teu, na tá niŋ tokinaa.

² Waatu wei weesuyu kɔne ku kɔma tə tə na-ku. Pə
təɔ ké tə heeliyi-mɛ na tə kpaaliyi-mɛɣe weesuyu ŋku
ku tɛŋ tə ku təm. Tacaɔ cəɔɔɣə ku weɛ na pə kuli-ku
na pə hólí-tɔ.

³ Nti tə nawa na tə nuwa təγə tá heeliyi-me tətə, sɪ í krentəna-tuyv tá na Tacaa na ɪ Pəyaya Yesu Kilisiti ta krentuyv taa.

⁴ Tə ηmaa takəlaya sɪ tə heeliyi-meγe təm tənəye na tá laŋa holumɪ teu.

Isə wεε ké isu kəkə səsəŋka

⁵ Nti tə nu Yesu Kilisiti kiŋ na tə heeliyi-me təγələ sɪ, Isə wεε ké isu kəkə səsəya ŋka ka naa tə, na paa səkpetiya kai fei ɪ kiŋ.

⁶ Ye tə yəγətəyi sɪ tá na Isə tə krentaa na pəyele na tə təŋna səkpetuyv taa ké tənte, tə ké pəpətunaa ke tá yəγətəya na tá kulapəle pə naale pə taa ké.

⁷ Ama ye tə təŋ tənəŋ taa isu Isə maγaməya wεv tənəŋ taa tə pə krentəyi-tuyv, na ɪ Pəyaya Yesu caləm kpiisiyi-tuyv ta isayətv təna.

⁸ Ye tə yəγətəyi sɪ tə wεv isəntə tə tə feina isayətv, ta maγaməya ke tə puγusiyi, na tampana fei tá kiŋ ke paa pəcə.

⁹ Ama ye tə heela Isə ké tá isayətv, tə pəsəyi na tə tu-ɪ naani. Pə taya pulv tə, ɪ təŋəyi siγisuyv ké, ɪ ká husɪ tá isayətv na í kpiisi ta kawalasɪ təna təpaɪpaɪ.

¹⁰ Ye tə yəγətəyi sɪ tə ta la isayətv, Isə ké tə yaaki pəpətv, na tu muγɪ ɪ təm.

2

Kilisiti keɛ ta sənɔv

¹ Ma piya, ma ηmaa-meγe tənə inəyi sɪ pə la na í taa la isayətv. Ama ye pə tu yelaa na nəγəlv la isayətv, ɪ tə wəna ta təm tayanlv ke Tacaa kiŋ. Inəγələ Yesu Kilisiti wei ɪ ké tampana təŋlv tə.

² Pə taya pulv, Yesu Kilisiti inəxi pa lapa kətaya si pə tayanı tá isayatu, na pə taya tá tike tá isayatu, ama na yəlaa təna təpai isayatu tətəyo.

³ Ye tə tənxəxi Isə kəheelitu de tu cekəna si tampana tə nyəmə Isə.

⁴ Ye nəxəlv təma si i nyəmə Isə, na pəyele puntu u tənxəxi i kəheelitu, puntu ké pəpətu ké, na tampana fei i kinj.

⁵ Ama wei i tənxəxi Isə kuyəxətutu tə puntu səələna Isə na tampana təkpataa. Mpi pə yeki na tə nyəxi si tá na Isə tə kpentaa yaa tə ta kpentu təyəle.

⁶ Ye wei i yəxətəa si í na Isə pa kpentaa, puntu í tə təntə nte Yesu ka təma tə.

Kəsəsutu kəfatv

⁷ Ma taapalaa, pə taya kəsəsutu kəfatu natələxi ma ηmaa takələya si ma heeliyi-mə. Ama kəsəsutu kəpəntu nti pə heela-məxe hatuu kancaalaya təyo. Na kəsəsutu kəpəntu ntəyəle təm nti í tēma nuw tə.

⁸ Paa na mpv pə we isu kəsəsutu kəfatu təə ké ma ηmaa-məxe takələya, pə hula tə tampana kə Kilisiti kinj na mə kinj tətə. Səkpətuyv kəelaa na tampana kəkə tēma nav tənyau.

⁹ Ye wei i yəxətəxi si i we tənəxi taa na pəyele i taa kraana i yulətuyəntəle, səkpətuyv ta ceta puntu təə se.

¹⁰ Ama ye wei i səələxi i yulətuyəntəle, puntu wenna tənəxi taa, na pulv mpi pu pəsi na pə tusi lelv na ílé í lá isayatu tə pə fei i kinj.

¹¹ Ama səkpətuyv nyaləna wei inı i taa kraana i yulətuyəntəle tə i təə. Kə taa ké i təxi, i ta cekəna i təpote. Mpi tə, səkpətuyv yuləsa i isə tə se.

¹² Ma piya, pə husa mə isayatu kə Kilisiti təə təyo ma ηmaa takələya na mə heeliyi-mə.

13 Caanaa me mə nyəmna wei ı ka we hatuu kancaalaya tə, pə təw kə ma ηmaa takəlaya sı má heeliyi-me. Ifepiya me, mə kəla İsayav təwə ma ηmaa takəlaya sı má heeliyi-me.

14 Piya, mə nyəmá Tacaa təwə ma ηmaa takəlaya na má heeliyi-me. Caanaa me, mə nyəmá wei ı ka we hatuu pə kancaalaya tə, pə təw kə ma ηmaa takəlaya na má heeliyi-me. Ifepiya, mə wenna toma, na İwə Təm cakı mə taa, na í kəla İsayav, pə təw kə ma ηmaa-meγe takəlaya.

15 İ taa səəli antulinya, paa mpi pə tu kə antulinya nyəm mayamaya tə, í taa səəli. Ye nəwəlv səəla antulinya, pəntu ta səəli Tacaa tətə.

16 Pə təna mpi pə kə antulinya nyəm təwəlv, yulətənyəv kənyuləη İsayəη, na yulə naakuyəv pəlv na pə İsəseemle kpaí tə, pə taya Tacaa kiη ke pə İunaa.

17 Antulinya na pə təna mpi yəlaa naakı ı taa na pá nyuləyi tə pə təηna təm kə. Ama wei ı lakı İwə luyə nyəntu tə pəntu cakəna tam.

Kilisiti kolontu

18 Ma piya, antulinya təm wəsa kə. İ təma nuw sı Kilisiti kolontu ka lu. Təw, kaγana ı kolontunaa mpe pa lu paγale kə tənyəw. Pə təw kə tə nyəmnaa sı pə wəsa təm kə.

19 Yəlaa panə pa taa kə ta nyəma na tampana se, pə təw kə pa lu tá taa. Məpəyú mee, ye paa kə tá nyəma, pa taa lu tá taa se. Ama pa lu ta taa kə sı pə hólí teu sı pa taa nəwəlv taa kə tá nyəη na tampana.

20 Ye me İe Feesuyə Nəηηtu wei Kilisiti tisa paa mə taa wei ı təw tə İnəyi í hikaa, na mpə pə yelina mə təna í nyəmá tampana.

21 Ye mpv pə taɣa ɪsu í tá nyi tampana tɔɣo ma ŋmaa-me sɪ má heeliyi-me. Ama ɪsu í nyəma-ye, na í nyəamá tɔtɔ sɪ pəpətv natəli tə fei tampana taa tə pə tɔɔ ké.

22 Aweyele pəpətv ɪle? Wei ɪ yəɣətəɣi təfoo sɪ Yesu tá ké Kilisiti tə pɔntv nté pəpətv. Na ɪnəɣəle Kilisiti kolontu. Pɔntv kpeɲna Taca na ɪ Pəɣaɣa ké na í kisi.

23 Ḿpúyú mee, ye wei í kisa Pəɣaɣa, pɔntv kisa Taca tətəɣo. Na ye wei í nyəamá Pəɣaɣa, pɔntv nyəamá Taca tətəɣo.

24 Pə tɔɔ ké í ká la kookali na í təkɪ təm nti ɪ nu hatuu kancaalaya tɔɣo mə taa ké teu. Ye ɪ təkə wenti í nu kancaalaya tɔɣo mə taa ɪle mə na Pəɣaɣa na Taca í ká kpeɲti na í caɣa mpv.

25 Kilisiti tɔma sɪ ɪ ká ha-tɔyɔv mpi tɔɣole weesuyv ŋku kv kaa té tɔ.

26 Mpa pa pəkəɣi sɪ pá puɣusi-me tɔ, pa tɔɔ ké ma ŋmaa-meɣe təne ɪni sɪ má heeliyi-me.

27 Ye me ɪle Kilisiti tisa ɪ Feesuyv ke mə tɔɔ ké. Na ɪ Feesuyv wəv mə kin tɔ nɔɣɔlv ɪ nəkəɣi-meɣe natələɣi hólóyú tɔtɔ. Feesuyv hvləɣəna-meɣe pə təna na tampana ke kv seɣesəɣi, kv seɣesəɣi pəpətv. Pə tɔɔ ɪle í təɲ Feesuyv kvseɣesətv na mə na Kilisiti í kpeɲti mpv.

28 Nn ma piya, mə na Kilisiti í kpeɲti na í caɣa mpv, na tu tv-ɪ naani ké waatv wei ɪ ka lu tɔ, tə kaa kuu feele ke ɪ ɪsentaa ké kvyaŋku ɪ ká kɔɔ tɔ.

29 ɪ nyəamá teu sɪ siyisuyv ke Kilisiti ná təɲəɣi, mpv tətəɣo í ká nyi sɪ yəlaa təna mpa pa təɲəɣi siyisuyv tə pa ké ɪsə piya ké.

3

ɪsə piya

¹ I nyəni isəna mpi Tacaə səəla-tu tə i paasaa ké na í səəli-tu na halí pá yaa-tu si i piya, na tə tu ké i piya nsəyi. I tá ná mpi pə təə antulinya nyóma ta nyi-tu təyələ. Pa taa nyi Isə təyə pa ta nyi tá.

² Ma taapalaa, kayana tə ké Isə piya ké, ilə pə ta kulita isəna tu te na té wəe tə pə təə təkēlee na pəcə. Paa na mpv tə nyəmá si Kilisiti kəŋ na í lu tə tu nəyəsəna-i ké, mpi tə tu ná i wəetv.

³ Yəlaa təna mpa pa tēləyi Kilisiti ke mpv tə pá tayanəyi pa təyi na pá lá kupaama isu Yesu Kilisiti ke v kupaŋ tə.

⁴ Yəlaa təna mpa pa lakí isayatu tə Isə kusəsutu ke pa kpeesəyəna. Pə taya pulv, isayatu lapv kəna kusəsutu kpeesənav.

⁵ Na í nyəmá teu si Yesu Kilisiti kəmayə si i ləsəyi yəlaa isayatu na í lə. I mayamaya i fəina isayatu ke paa pəcə.

⁶ Pə təə ké ye i na wei pa krentaa, pə cəpa pəntv na isayatu lapv ké. Ama ye wei i wəe na í təŋna isayatu lapv, i ta na Yesu na i ta tu nyəmi-i.

⁷ Ma piya í taa ye le na nəyələv puɣusi-me. Ye wei i təŋəyi tampana, pəntv mayamaya ké tampana tə ké isu Yesu Kilisiti.

⁸ Ye wei i wəe na í təŋna isayatu lapv, iləyəv tənna pəntv. Pə taya pulv iləyəv lapəna isayatu ke hatuu kancaalaya. Pə mayamaya pə təə təkpe m ké Isə Pəyaya kəma si ka wakələyi iləyəv təma tənəŋnaŋ.

⁹ Wei i ké Isə pəyaya tə pə cəpa-i na isayatu lapv ké. Pə taya pulv, i ta ke sət v tətə, i təma weesuyv tə ke pəsuyv ké. Na Isə kələ i Caa, ilə i kaa pəsi na í təŋna isayatu lapv.

¹⁰ I naa mpi pə yeki na pá nyəŋ Isə piya na iləyəv nyənsi təyələ. Wei u təŋəyi tampana yaa u səələyi i

yulɔɔɔɔntɔle tɔ ɪ ta ke Isɔ pɔyaya.

Tɔma sɔɔlvɔ tɔm

¹¹ Nti ɪ nuwa hatuu kancaalaya tɔɔɔle si tɔ sɔɔlɔɔɔɔ tɔ tɔma.

¹² Pɔ fei si tɔ la ɪsu Kayini ka lapɔ tɔ, ɪ ka kɛ Isayau nyɔɔ kɛ na ɪ kɔ ɪ neu. Na pepe tɔɔ kɛ ɪ tu kv-ɪ tɔ? ɪ neu lakaya kusiyisim na ɪnɪ ɪ lakaya ɪsayam tɔ pɔ tɔɔ kɛ.

¹³ Apalaa me, ye antulinya yɔlaa taa kraana-me, tɔle tɔ taa la-meɔe piti.

¹⁴ Tɔ nyɔmɔ si tɔ lu tɔsɔte kɛ na tɔ suu weesuyɔ tɔhikile. Tɔ sɔla ta yulɔɔɔɔntɔlenaa tɔɔ tɔ nyɔmɔ mpɔ. Wei u sɔɔlɔɔɔɔ ɪ lelv tɔ ɪ we sɔm taa kɛ, ɪ ta luta.

¹⁵ Yulɔ wei ɪ taa kraana ɪ yulɔɔɔɔntɔle tɔ ɪ kɛ yulɔkɔlv kɛ, na mɔ nyɔmɔ si yulɔkɔlv feina weesuyɔ ŋku ku tɔɔ tɔ.

¹⁶ Tɔ tɔɔ kɛ Yesu Kilisiti lɔ ɪ weesuyɔ. Mpi tɔ nyɔmɔ si yulɔ sɔla ɪ lelv tɔɔɔle. Ye mpɔ pɔ wee kɛ si taa lɔ tɔ weesɪɔ ke ta tɔɔntɔlenaa tɔɔ.

¹⁷ Ye yulɔ wɛna kele, ɪlena ɪ nɔ pɔ caala ɪ yulɔɔɔɔntɔle na ɪ ta toosi ɪ tɔm si pulɔ, wɛɛntɔ ɪnɪ ɪ pɔsɔɔɔɔ na ɪ tɔ si ɪ sɔla Isɔ kele?

¹⁸ Ma piya tɔ taa makɪ nɔɔsi taa kɛ yem kɛ tɔ tɔma sɔɔlvɔ tɔm. Ama tɔ lakasi ɪ hɔlɔɔɔɔ tɔtɔ si tɔ sɔla tɔma na tampana.

Isɔ naani tɔɔv

¹⁹ Mpi pu ye le na tɔ nyɪ si tampana ke tɔ tɔɔɔɔ tɔɔɔle. Pu ye le na tɔ wɛɛna naani kɛ Isɔ ɪsentaa.

²⁰ Ye pɔ heeliɔ-tɔɔv hatuu tɔ lotu taa si tɔ fei teu, tɔ nyɔmɔ si Isɔ kɔla tɔ lotu taa nyɔntɔ tɔnaya tɔɔ na ɪ nyɔmɔ pɔ tɔna tɔpai.

21 Ma taapalaa pə təə ké ye pə ta heeli-tuyv natələyi hatuu tá lotu taa, tə kaa nya ləə isentaa kele paa pəcə.

22 Tə təhəyi i kəheeliu na tə lakı mpi i caa tə pə təə ké i ha-tuyv pə təna mpi tə sələməyi-i tə.

23 Nti i tu-tu təyəle i Pəyaya Yesu Kilisiti təm muyv na si tə sələyi ta təma isı Kilisiti tu-tu si tə lakı tə.

24 Ye wei i təhəyi ləə kəsəsutv pəntv krentəna ləə ké na ləə we pəntv waalı. ləə ha-tuyv i Feesuyv təyə tə nyəmə si ləə we tá waalı.

4

ləə na Satanı pa feesıñ fayav

1 Ma taapalaa, nyente yələa mpa si ləə Feesuyv tii mpe pa təə tə í taa muvi pa təna pa təm ke yem. I tēe pa waalı na í ná si feesuyv ŋku kə ké ləə nyəŋku yaa ŋku. Pə taya pulv, ləə kuyəətətə teləsələa pəpətənaa kəpıñ yana na antulinya.

2 ləəna í ká nyəna si ləə Feesuyv nyəma təyələ, ye wei i təñ si Yesu Kilisiti pəsa yulv na tampana ıle ləə Feesuyv tə nté.

3 Ama wei u tisiyi si Yesu pəsa yulv na tampana tə ləə Feesuyv fei i kiñ. Kilisiti kolontu nyəŋku tə nté pəntv. I ká nuwa si i ká kəə tə, i tēma kənte ke antulinya taa.

4 Ama ma piya me mə ké ləə nyəma ké na í kələ ləə kuyəətətə teləsələa pəpətənaa. Pə taya pulv, Feesuyv ŋku kə we mə kiñ tə kə kələ feesuyv ŋku kə we antulinya nyəma kiñ tə.

5 Antulinya yəətəya ke pa yəətəyi, na antulinya nyəma nukı pa təm ke pa ké antulinya nyəma tə pə təə.

6 Ama tá ıle, ləə tənna tá. Na wei i nyəmə ləə tə ıni i nukəna tá təm, wei i ta ke ləə nyəñ tə u nukı tá

təm. Mpi pu yele na té nyəŋ tampana Feesuɣu na feesuɣu ŋku ku tolisiyi yəlaa tɔɔlə.

Isə ke sɔɔlɔɣu

⁷ Ma taapalaa, í yele na té sɔɔlɔɣi təma, pə taya pulu Isə kin ke sɔɔlɔɣu lunaa. Na wei ɪ sɔɔlɔɣi ɪ yulɔtɔɔŋtələ tɔɔlə Isə pəyaya na puntu nyəmə Isə ké.

⁸ Ama wei ɪ sɔɔlɔɣi ɪ yulɔtɔɔŋtələ tɔ, puntu ta nyi Isə. Pə taya pulu Isə ná ké sɔɔlɔɣu tɔ se.

⁹ Isə tilina ɪ Pəyaya ikpamle ke antulinya taa si té ná weesuɣu ke ka tɔɔ. Tɔɔ, mpi Isə hulənaa si ɪ sɔɔla-tu tɔɔlə.

¹⁰ Na isəna pə hulaa si sɔɔlɔɣu təm təkpem tɔɔlə timpi tá tá sɔɔli Isə na ɪni ɪ sɔɔli-tu na í tili ɪ Pəyaya si pə husi tá isayatu ke ka tɔɔ tɔ.

¹¹ Ma taapalaa, Isə ná tá kisi-tuɣu mpuɣule sɔɔlɔɣu, ɪle pə wee ké si tá tɔtɔ taa sɔɔlɔɣi mpuɣú tá təma.

¹² Nɔɔlɔ ta keesita Isə se. Ama ye tɔ sɔɔlɔɣi tá təma, Isə we tá waali ké na ɪ sɔɔlɔɣu naa tá kin təkəlekele.

¹³ Isə ha-tuɣu ɪ Feesuɣu tɔɔ tɔ nyəmə si tɔ krentəna-ɪ na ɪ we tá waali.

¹⁴ Tə nana ta isələ ké na té heeliyi təfoo si Tacaa tila ɪ Pəyaya si ká la antulinya Yatv.

¹⁵ Ye wei ɪ yɔɔtəyi si Yesu ké Isə Pəyalv, Isə we ɪ waali ké na puntu krentəna-ɪ.

¹⁶ Sɔɔlɔɣu mpi Isə sɔɔla-tu tɔ tɔ nyəma-wi, na tɔ təma-wi na tá taa.

Isə ké sɔɔlɔɣu tu ké, ɪle ye wei ɪ sɔɔlɔɣi ɪ lelɔ, puntu nyəmə Isə na Isə we ɪ waali.

¹⁷ Mpi pə húlɔɣi si ta təma sɔɔlɔɣu tu fei pá yɔɔtɔ tɔɔlə si tɔ kaa nyana pulɔɣu paa pəcɔɔ Isə huɔle

ńté tə wule. Pə taya pulu, isəna Yesu Kilisiti təma antulinya taa tə ńpúyú tá təma.

¹⁸ Səyǝntu sǝlɔyɔ ta ke sǝlɔyɔ. Ama sǝlɔyɔ mpi pə ké tampana nyəm tə pə yasəyi səyǝntu ké. Pə tǝo ké səyǝntu sǝlɔyɔ ta ke sǝlɔyɔ kupaŋku nakuli. Pə taya pulu, saləka kəŋna na səyǝntu.

¹⁹ Ye tá, Iso laaləna-tuyɔ sǝlɔyɔ iləna taa sǝli-ı.

²⁰ Ye nəyɔlu nəyɔ taa luwa si: Ma sǝla Iso. Ama ye ı yulɔtəyǝntǝle, ı sǝləyi ilé, pɔntu ké pəpətu ké. Ye ı ta sǝli ı yulɔtəyǝntǝle wei ı naaki tə isənaya ı ká sǝli Iso wei ı naaki tə?

²¹ Kusəsutu nti Kilisiti tu-tu təyǝle si: Pə wee si ye wei ı sǝla Iso, pɔntu í sǝli ı yulɔtəyǝntǝle tətəyɔ.

5

Ta kəlvɔy ke antulinya

¹ Yulu wei ı tɛma ı taa si Yesu kele Kilisiti tə, pɔntu kəna Iso pəyaya, na ye wei ı sǝla piya caa, pɔntu sǝla piya tətəyɔ.

² Tə sǝlɔyɔ Iso na tə lakı ı kusəsutu təyɔ tə nyəmə si tə sǝla ı piya.

³ Tə təŋəyi Iso kusəsutu təyɔ pə húláyı si tə sǝla Iso. Na Iso kusəsutu ta kəli-tuyɔ katɛ.

⁴ Pə taya pulu tǝo paa Iso pəyaya ŋka ká pəsəyi na ká kəli antulinya ké. Tə tɛma Iso na ta taa təyɔ tə kəla antulinya.

⁵ Awe pəsəyəna na í kəli antulinya, ye pə taya wei í tɛŋ ı taa si: Yesu kele Iso Pəyalu tə ı paasi?

Kilisiti tǝo tampana hɔlvɔy

⁶ Yesu Kilisiti kele wei ı kəmnə lum na caləm tə. Pə taya lum tike ke ı kəmnəa, ama na caləm tətəyɔ.

Na Feesuyu ləsəyəna seliya si rńpńyń pə wεε. Pə taya pulb Feesuyu kəna tampana tu.

⁷ Seliya nyəm wε təm tooso ké.

⁸ Feesuyu na ləm na caləm, na pə təna pə tooso isəntə u kpeesəyəna təma.

⁹ Ye yəlaa ləsəyi seliya tə muyi. Təv, Iso nyəh ná kəla yəlaa nyəma təcaγacaγa. Iso seliya kεε wei i ləsa i Pəyaya təv tə.

¹⁰ Pə təv ké wei i tēh Iso Pəyaya na i taa tə pũntv cəkəna seliya inεye hatuu i taa. Ama ye wei i tēh i taa na Iso, pũntv yaa Iso ké pəpətv ké. Pə taya pulv təv, i ta mv seliya wei Iso ləsa i Pəyaya təv tə.

¹¹ Na seliya wei Iso ləsəyi təyələ si: I ha-tuyv weesuyu ŋku ku tēh tə, na i Pəyaya cələna-tuyv-kv.

¹² Ye wei i krentəna Pəyaya, i hika weesuyu kũne inəyi. Na wei i ta krentəna Iso Pəyaya tə pũntv kaa na-kv.

Weesuyu ŋku ku tēh tə kv təm

¹³ Ma ŋmaa takələya na má heeli-mεye rńpńyń si mε mpa í tēma mə taa na Iso Pəyaya tə í hika weesuyu ŋku ku tēh təyə.

¹⁴ Tə nyəmá si ye tə sələməyi Iso ké mpi pə ké i luyv nyəm tə, i nukı təv ké tá naani təv səsəm ke i təv.

¹⁵ Isəna mpi tə nyəm si ye tə sələməyi-i pulv i nukı tə, mpv tətəyə tə nyəmá si i ha-a-tuyv mpi tə sələməyi-i tə.

¹⁶ Ye nəyələ nawa i taapalv na í lakı isayatv nti tu kəhna səm tə, pə wεε si pũntv í sələməna i taapalv na Iso ké, na Iso ha-i weesuyu. Isayatv nti tu kəhna səm təyə ma təh. Isayatv nti tə kəhna səm tə pə taya təle tə təv ké ma təh si í sələməna.

17 Pə tənna mpi pə ta siyisi tə pə ké ɪsayatu ké. Ama ɪsayatu lentənnaa wɛɛ na tu kəŋna səm.

18 Tə nyəmə sɪ ɪsə pəyaya nakəli ka kaa wɛɛ na ká təŋna ɪsayatu lapu. Pə taya pulu, ɪsə pəyaya kentina ɪ tə, na ɪsayau kaa kɔɔya puluɔɔ ɪ tə.

19 Tə nyəmə sɪ ɪsə tənna-tu, na ɪsayau nin taa ké antulinya tənna ná wɛɛ.

20 Tə nyəmə sɪ ɪsə Pəyaya kəma na ká lá na tə hii layatu sɪ tə nyɪ tampana ɪsə. Na ta na-ɪ na ɪ Pəyaya Yesu Kilisiti tə kɔɔntaa na tɛ wɛɛ mpɔ. Inəɔɔlɛ tampana ɪsə, inəɔɔlɛ weesuɔɔ ŋku ku tɛŋ tə.

21 Ma piya, í la laakali na tuŋ.

PIPI LI USO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 18 Apr 2025 from source files dated 31 Aug 2023

ef14191a-91f7-51c1-ac89-7b93dd7c4377